

UGOVOR o javnoj nabavci usluga

Zaključen dana 24.07.2018. godine u Sarajevu između:

KJP „Sarajevo –šume“ d.o.o. Sarajevo, sa sjedištem u Sarajevu, ul. Maršala Tita br.7/II (u daljem tekstu **Naručilac usluga**), koga zastupa direktor **mr.sci. Nermin Demirović, dipl.ing.šum.**

i **237**

„OLIP“ društvo sa ograničenom odgovornošću za proizvodnju unutrašnju i međunarodnu trgovinu, transport i usluge Sarajevo iz Ilidže, ul. IV viteške brigade 5, registrovano kod Kantonalnog suda u Sarajevu, Rješenje o upisu u sudski registar: 065-0-Reg-06-000288 od 14.04.2006. godine, identifikacioni broj: 4200928150007, PDV broj: 200928150007 (u daljem tekstu **Izvršilac usluga**) koga zastupa **Began Selman**.

(u daljem tekstu: **Ugovorne strane**)

Član 1.

Predmet ovog Ugovora su usluge koje će obavljati Izvršilac usluga, a za potrebe Naručioca usluga u 2018. godini, i to:

Lot 4. ŠU „Srednje“, ŠGP „Gornjebosansko“, GJ „Krivaja“, Odjeli 62 i 64 (sječa, izrada, animalna vuča-priprema, traktorska vuča sa i bez pripreme) cca 3.867 m³

a u svemu prema Obrascima za cijenu ponude koji su dostavljeni u ponudi Izvršioca usluga protokolisanom kod Naručioca usluga pod brojem: 0103-1509-9/18 od 04.07.2018. godine i specifikaciji usluga po vrsti, količinama i jediničnim cijenama, koji su prilog ovog Ugovora i njegov sastavni dio.

Ukupna vrijednost usluga iz prethodnog stava iznosi **131.864,70 KM**, bez uključenog iznosa pripadajućih indirektnih poreza, odnosno PDV-a.

Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga broj: 0103-1509-19/18 od 04.07.2018. godine, Zapisnika o pregledu i ocjeni ponuda, broj: 0103-1509-22/18 od 16.07.2018. godine, pravosnažne Odluke o izboru najpovoljnijeg ponuđača, broj: 0103-1509-27/18 od 16.07.2018. godine i Odluke Nadzornog odbora, broj: 0102-1509-7/18 od 13.06.2018. godine.

Član 3.

Naručilac usluga povjerava, a Izvršilac usluga preuzima obavezu da svojim sredstvima rada i radnom snagom izvrši usluge na poslovima sječe, izrade, animalne vuče priprema, traktorske vuče sa i bez pripreme cca 3.867 m³ šumskih drvnih sortimenata lišćara i četinara, kako je navedeno u članu 1. ovog Ugovora, a sve u skladu sa Projektom za izvođenje za predmetni odjel i nalozima Naručioca usluga.

Član 4.

Izvršilac usluga se obavezuje da će usluge koje su predmet ovog Ugovora započeti vršiti u roku od 2 (dva) dana od prijema poziva Naručioca usluga uz mjesečnu dinamiku od 643,00 m³, te da predmetne usluge završi u roku od 5 (pet) mjeseci od početka vršenja usluga za odjel 62, odnosno uz mjesečnu dinamiku od 130,4 m³, te da predmetne usluge završi u roku od 5 (pet) mjeseci od početka vršenja usluga za odjel 64.

U slučaju kašnjenja u vršenju usluga, do kojeg je došlo krivicom Izvršioca usluga, isti se obavezuje da će Naručiocu usluga po mjesečnoj dinamici za svaki dan kašnjenja platiti ugovornu kaznu u skladu sa Zakonom o obligacionim odnosima FBiH u iznosu od 1 % vrijednosti ugovorenih usluga do urednog izvršenja usluge, s tim da ukupan iznos ugovorne kazne ne može prijeći 10% od ukupno ugovorene vrijednosti predmetne javne nabavke.

Za praćenje izvršenja ovog Ugovora, odnosno za izvršenje ugovorene dnevne dinamike zadužuje se Šef Šumske uprave „Srednje“, koji se obavezuje da o realizaciji ovog Ugovora kontinuirano obavještava Izvršnog Direktora Oblasti za šumarstvo.

Ukoliko dođe do kršenja odredaba ovog Ugovora, odnosno kašnjenja ugovorene dinamike Šef Šumske uprave „Srednje“ je dužan odmah o tome obavijestiti Izvršnog Direktora Oblasti za šumarstvo u pismenoj formi sa detaljnim obrazloženjem zbog čega i čijom krivicom je došlo do kršenja odredaba ovog Ugovora.

Ukoliko Izvršilac usluga svojom krivicom ne ispoštuje mjesečnu dinamiku utvrđenu ovim Ugovorom odnosno ne počne sa uslugama u vrijeme kako je naprijed utvrđeno i ne završi ugovorene poslove na vrijeme, preuzima obavezu da nadoknadi štetu koju takvim ponašanjem prouzrokuje Naručiocu usluga, a što potvrđuje potpisom na ovom Ugovoru.

Član 5.

Naručilac usluga se obavezuje da Izvršiocu usluga za izvršene usluge koje su navedene u članu 1. ovog Ugovora plati naknadu u skladu sa jediničnim cijenama datim u Obrascima za cijenu ponude i specifikaciji usluga po vrsti, količinama i jediničnim cijenama, koji su prilog ovog Ugovora i njegov sastavni dio, a koje cijene su bez uključenog iznosa PDV-a koji plaća Naručilac usluga i koje su nepromjenjive u skladu sa datom izjavom koju je Izvršilac usluga dao u svojoj ponudi.

Naručilac usluga će vršiti plaćanje u roku od 15 (petnaest) dana od dana ispostavljanja fakture na transakcijski račun Izvršioca usluga, broj:3386902228939641 otvoren kod UniCredit banke.

Član 6.

Izvršilac usluga se obavezuje da će u roku od 15 (petnaest) dana od potpisivanja ovog Ugovora Naručiocu usluga dostaviti безусловnu garanciju poslovne banke za dobro izvršenje ugovora u visini od 10% od vrijednosti ugovora bez uračunatog PDV, koja će poslužiti za pokrivanje svake štete i troškova koje Ugovorni organ može imati ukoliko Izvršilac usluga prekrši ugovor o nabavci od potpisivanja ugovora do njegovog ispunjenja u cijelosti. Garancija treba da bude validna na period od dana obostranog potpisivanja Ugovora do 31.12.2018.godine plus 15 (petnaest) dana. Ukoliko Izvršilac usluga ne dostavi безусловnu garanciju, zaključen ugovor će se smatrati apsolutno ništavim.

Član 7.

Ukoliko zbog neblagovremenog izvršenja ugovorenih usluga dođe do smanjenja kvaliteta ili propadanja drvnih sortimenata isti će se staviti na raspolaganje Izvršiocu usluga.

Na prijedlog Šefa Šumske uprave Srednje, Služba za marketing i komercijalne poslove Naručioca usluga će izvršiti fakturisanje drvnih sortimenata Izvršiocu usluga, po važećem Jedinstvenom minimalnom cjenovniku proizvoda šumarstva i usluga Naručioca (cijena šumskih drvnih sortimenata standardnog kvaliteta), a Izvršilac usluga je dužan istu platiti u roku od 8 (osam) dana ili će mu se u protivnom naplata izvršiti iz ostalih potraživanja Naručioca usluga.

Član 8.

Za cjelokupno izvršen ugovoreni posao Naručilac usluga će izvršiti plaćanje nakon uspostavljanja potpunog šumskog reda i prijema odjela u kojem će se vršiti usluge po ovom Ugovoru, a što treba da utvrdi posebna komisija Naručioca usluga (koju čine Izvršni Direktor Oblasti za šumarstvo, Šef Šumske uprave, Rukovodilac Operativne jedinice i tehnolog projektant koji je izradio projekat za izvođenje) u formi zapisnika koji treba da bude potpisan od strane obje ugovorne strane.

Od ukupnog iznosa svake fakture Naručilac usluga odbit će 10% novčanog iznosa koji će se Izvršiocu usluga isplatiti po konačnom obračunu nakon izvršenih predmetnih usluga u cijelosti, a nakon dostavljanja Zapisnika komisije Naručioca usluga.

Komisija Naručioca usluga je naprijed navedeni Zapisnik dužna dostaviti u roku od 2 (dva) mjeseca od završetka radova, a isti će činiti osnovu za podnošenje zahtjeva Komisiji za tehnički prijem odjela.

Kaucija se neće isplatiti ukoliko Izvršilac usluga prilikom vršenja usluga nanese štetu Naručiocu usluga ili raskine ugovor svojom krivicom, bez vanjskih uticaja i više sile.

Član 9.

Izvršilac usluga se obavezuje da će prilikom vršenja predmetnih usluga primjenjivati mjere o zaštiti šuma i objekata, kako državnih tako i privatnih, vodeći posebno računa o zaštiti podmlatka i o uspostavljanju potpunog šumskog reda, a na osnovu važećih zakonskih i podzakonskih propisa koji regulišu oblast šumarstva.

Ako prilikom obavljanja usluga Izvršilac usluga nanese štetu šumama u privatnom vlasništvu ili pričini neki drugi vid štete trećim licima istu je dužan nadoknaditi.

Naručilac usluga se obavezuje da će vršiti kontrolu uspostavljanja šumskog reda i o svakom propustu odmah će obavijestiti Izvršioca usluga koji je dužan postupiti u skladu s primjedbama.

Izvršilac usluga se obavezuje da će primjenjivati mjere zaštite na radu angažovanih radnika u skladu sa važećim zakonskim propisima iz te oblasti.

Izvršilac usluga se obavezuje da prilikom obavljanja usluga koji su predmet ovog Ugovora primjenjuje mjere zaštite od požara. U slučaju njihovog neprimjenjivanja preuzima obavezu naknade štete nastale pojavom i razvojem požara.

Izvršilac usluga je obavezan da u potpunosti poštuje zahtjeve relevantnih okolinskih zakona i propisa.

Član 10.

Ugovorne strane su saglasne da će se po završetku ugovorenih usluga u cijelosti izvršiti tehnički prijem istih od strane komisije Naručioca usluga, a uz prisustvo predstavnika Izvršioca usluga.

Član 11.

Ugovorne strane konstatuju da je prije zaključenja ovog Ugovora, Izvršilac usluga predao Naručiocu usluga ovjerenu fotokopiju Rješenja o ispunjavanju uslova iz Pravilnika o uslovima koje moraju ispunjavati izvođači radova u šumarstvu izdato od nadležne institucije prema mjestu upisa u sudski registar Izvršioca usluga, broj: 07-06-26-351/06 od 14.06.2016.godine.

Član 12.

Izvršilac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Naručioca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 13.

Na sve što nije regulisano ovim Ugovorom primjenjuju se odredbe Zakona o obligacionim odnosima FBiH.

Član 14.

Ovaj Ugovor stupa na snagu danom potpisivanja od strane obje ugovorne strane i traje do 31.12.2018. godine.

Član 15.

Sve eventualne sporove po ovom Ugovoru Ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 16.

Ovaj Ugovor je sačinjen u 7 (sedam) istovjetnih primjeraka od koji 5 (pet) zadržava Naručilac usluga, a 2 (dva) primjerka Izvršilac usluga.


Za Naručioca usluga
Direktor

mr. sc. Nermin Demirović, dipl.ing.šum.
Izvršni direktor Oblasti za šumarstvo
Proha Adnan, dipl.ing.šum.
Izvršni direktor Oblasti za opšte poslove

Kečo Hidajeta, dipl. ecc.

Za Izvršioca usluga

Selman Begon


Broj: 0103-1509-31a/18
Datum: 24.07.2018. godine

Broj: _____
Datum: 24.07.2018. godine